



UNIVERSITÄTS-
BIBLIOTHEK
PADERBORN

Universitätsbibliothek Paderborn

Prophetia Apocalyptic S. Joannis Apostoli

Kircher, Heinrich

Coloniæ Agrippinæ, 1676

§. I. Exercitus Antichristianus.

urn:nbn:de:hbz:466:1-39100

TRACTATUS XXIX.

IN DUOS PENULTIMOS VERSUS CAPITIS XIX.

Versamur in Visione quinta secundæ Partis Apocal.

VERBA APOCALYPSEOS.

(Cap. 19. Vers. 19. & 20.) *Et vidi bestiam, & Reges terræ, & exercitus eorum congregatos, ad faciendum prælium cum illo qui sedebat in equo & cum exercitu ejus. (v. 20.) Et apprehensa est bestia, & cum eo pseudopropheta: qui fecit signa coram ipso, quibus seduxit eos, qui acceperunt characterem bestiae, & qui adoraverunt imaginem ejus. Vim missi sunt hi duo in stagnum ignis ardentis sulphure.*

§. I.

Exercitus Antichristianus.

Copiae Anti-christianæ:

Viderat Joannes ex una parte militiam sanctam Christianorum: ex parte altera videt copias hostiles impias ad atrocissimum illis bellum inferendum: Bestiam in primis & Pseudoprophetam qui CUM EA conjungitur v. 20. REGES quoque TERRÆ, quos traxerunt Bestia & Antichristus in suas partes: ET EXERCITUS EORUM CONGREGATOS. Quæ singula brevi explanatione indigent.

Exposuimus, per Bestiam designari Imperium infidele: quod h̄c jam est pseudo-Judaicum. Una CUM Bestia est Antichristus, PSEUDOPRO-

PHETA ille singularis & magnus qui Messias falsorum Judæorum, re enim ipsâ infidelium: is QUI FECIT SIGNA magna, quod de Antichristo dictum fuit cap. 13. v. 13. ipse quoque ibidem cognominatus Bestia alia, quia cum suis Judæis constituit speciem novi Imperii, cùm revera tantum adderit priori Bestiae, Imperio Mahometano, colorem & imaginem novam, prout sæpius diximus. Reges terræ sunt ii, quos Antichristus sibi devinxit vel subjecit, unā cum regionibus quas attraxit. EXERCITUS sunt illa tota ex quatuor angulis terræ, ut dicitur Capite sequente v. 7. multitudo; cùm Judæo-

Judaorum; exasperatissima contra Christianos, tūm eorum qui se his adjunixerunt & Judaizantis orbis terræ.

Congre- 2. Quod dicitur, vidisse CON-
gatio ea- GREGATOS: non est accipiendum
rum: de loco; quasi in eundem omnes cam-
pum sint descensuri ad pugnam: sed
in eo sensu, quo Ecclesia est & dicitur
Congregatio: diffusi enim erunt per
orbem terrarum; perinde ut illa mili-
tans, quam oppugnant, est diffusa:
consensu autem & odio atque armis
persecutionis erunt iidem inter se, id
quod sapientissimè observavit S. Au-
gustinus lib. 20. de Civ. cap. 11. cuius
verba libet proferre in medium:

*Hac enim; ait, erit novissima perse-
cutio, novissimo imminente iudicio, quam
sancta Ecclesia toto terrarum orbe patie-
tur: universa scilicet Civitas Christi ab
universa Diaboli Civitate, quantumcunque
erit utraque super terram. Gentes qui-
pe istae, quas appellat Gog & Magog, non
sic sunt accipienda, tanquam sunt aliqui
in aliqua parte terrarum barbari consti-
tuti. Toto namque orbe terrarum signifi-
cati sunt isti esse, cum dictum est: na-
tiones quae sunt in quatuor angulis terra. Et
paulò post in Apoc. 20. versum 8.
Quod verò ait: Et ascenderent super ter-
ra latitudinem, & cinxerunt castra San-
ctorum & dilectam Civitatem: non uti-
que ad unum locum venisse vel venturi
esse significati sunt; quasi aliquo uno loco
futura sint castra Sanctorum & dilecta
Civitas: cùm haec non sit nisi Christi Ec-
clesia toto terrarum orbe diffusa. Ac per
hoc ubique tunc erit, quae in omnibus
gentibus erit; quod significatum est no-*

mine latitudinis terra: ibi erunt castra
Sanctorum: ibi erit dilecta Deo Civitas
eius: ibi ab omnibus inimicis suis, quia &
ipsi in omnibus gentibus cum illa erunt,
persecutionis illis immanitate cingetur;
hoc est, in angustiis tribulationis arctabi-
tur, urgebitur, concludetur: nec militiam
suam deseret, quæ vocabulo est appellata
castrorum. Hæc Augustinus.

3. Similiter autem & genus PRÆ-
LII intelligendum est præcipue spiri-
tale quo animæ impugnabuntur: nam
in pernicem animarum omnis reli-
qua exquisitissima & acerrima persecu-
tio sœvet in corpora. Neque enim
arbitramur ex parte Christianorum
futuros, qui tum demum exercitibus
coactis obviam eant Antichristo ut re-
sistant ferro & machinis bellicis ei qui
regnorum omnium & orbis ab se do-
miti Monarchiam acquisierit, & in
toto jam orbe regnet, ut citavimus
Tract. 20. §. 3. ex S. Hieronymo in
Danielem.

Enimvero hæc erunt arma Chri-
stianis: scutum fidei; & omnis arma-
tura de qua Apostolus Ephes. 6. galea
salutis, & gladius spiritus: constantia
in confessione Christi: despiciencia
terrenorum & magnanimitas: fuga
interim salutaris, & latebræ honestæ:
præparatio ad martyrium sub vexillo
Equitis albi cui vestis aspersa sanguine
(sup. v. 13.) Aliis armis, ut habet axio-
ma Theologorum, martyr non pugnat.
Quamobrem toto Cœlo Apocalypses
errant, si qui aliud interpretantur bel-
lum utrumque & arma: aut alium mo-
dum vincendi quem teneat Equitatus
Christi: sicut qui & alias coronas vel

Genus
armatu-
ræ.

laureas. Neque profectò Duces à Deo missi Enoch & Elias alio genere pugnæ præturi sunt, quando *Bestia*, ut dictum est Apoc. II. v. 7. faciet adversum eos bellum.

Antichristianæ verò arma haec erunt: primum omnis generis blanditiæ, alle-

ctamenta, illecebrae, pollicitationes: deinde insidiæ, fraus, perfidia: postremò minæ, furor, atrocitas tormentorum, &c. ubi contra animam nihil profecerint, internecio corporum: quorum specimen aliquod videbimus in sequente §.

§. II.

De novissimo confitu.

Prælium
extremū
Hierosolymis.

I. **M**odò expositum bellum, & ejus gerendi methodus; id est, hæc persecutio & hæc patientia Martyrum implebit totum mundum, temporibus pseudo-Messiæ. Sed erit theatrum belli singulare & extremus conflitus Hierosolymis. nam etsi, ut monuimus in §. præcedente, non omnes eodem in loco militabunt Antichristo; cuius seductio pervagabitur orbem terrarum: tamen cultissima erit id temporis Palæstina, & multò maximè urbs Hierosolyma: ad quam erit confluxus ex omnibus partibus mundi, tanquam ad Regiam in qua residet Antichristus; & velut ad castra prætoria totius per mundum dispersi exercitus qui militat contra Christianos. Erit amplitudo urbis ingens, & pomœrio ejus verisimiliter inclusi montes vicini: ac palatia suburbana: & circum undique omnia munita muris ac turribus & præsidio militari: in ipsa verò urbe Arx omnium superbissima, atque in Templo contiguo Sedes posita ejus, id est Antichristi, divinitati. Jam yetuit adorari aliud Nomen quam

se: immani fastu quem tegunt similitudines sanctitas & prodigia. Stipabitur, ultrò citrōque commeatus, satellitio Regum & Principum per quos sibi subjecit terras ac maria: quorum pars confluent, & erunt anteambulones ejus ac pedissequi. Cujus totius apparatus ei auctor erit Princeps hujus mundi & Rex superbiae.

2. Sub hæc tempora illuc, Hierosolymam, convenient duo celebratissimes, Dunnii Testes Enoch & Elias, de quibus secundum est Capite II. expectatissimi restituto miniscitibus Scripturas: missi à Deo, ruin, ille ex Gentibus, iste ex tribibus Israël: qui se opponent Antichristianis, gladio spiritus. Neque enim, quod in §. præcedente sumus prefati, concubunt Christianos ad vim aliter prohibendam, aut ad aliud genus prælii quam ad constantiam testimonii pro Christo, & ad generosè pro eo dandum sanguinem.

Hi confutabant nequissimum impostorem, à tempore assumpti nominis Messiae: cum in aliis orbis partibus, in quas excurrent aut ad quas exhibent sonus